



REPUBLIKA E SHQIPËRISË  
KOMITETI KOMBËTAR I DIGAVE TË MËDHA

KKDM/Nr. .... Prot  
Lutemi referoni këtë numër në përgjigje

Tiranë, më 17/01/2022

**VENDIM**

Nr.01, date 17 /01/2022

**PËR**

**PROBLEMATIKAT NE DIGEN E HEC MOGLICES**

Në mbështetje të Ligjit Nr. 8681, datë 02.11.2000 "Për Projektimin, Ndertimin, Shfrytëzimin dhe Mirembajtjen e Digave dhe Dambave" dhe VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Komiteti Kombëtar i Digave të Mëdha (KKDM) në mbledhjen e datës 17.01.2022 mori në shqyrtim Vlerësimin e Statusit pas ndertimit të Digës së HEC Moglices të përgatitur nga Konsulenti AFRY dhe paraqitur nga Kompania "DEVOLLI HYDROPOWER" shpk në lidhje me problematikat e evidentuara në digën e HEC Moglices si dhe monitorimin e kësaj situatë gjatë kësaj kohe dhe në të ardhmen. Bazuar në dokumentacionin teknik të paraqitur, informacionin e derisotem në lidhje me uljet në digën e HEC Moglices si dhe Rezultateve të monitorimit të digës, **KKDM arrin në perfundim se Diga e HEC Moglices aktualisht është në nivelin 2 të Alarmit i cili kërkon planifikimin e punimeve lehtësuese/korrigjuese në dige si dhe një monitorim të vazhdueshëm dhe të vecantë të të gjithë elementeve të digës. Per sa me sipër, KKDM**

**VENDOSI:**

- 1- Ti kërkojë Kompanisë DEVOLLI HYDROPOWER shpk
  - **Dorezimin pranë KKDM të projektit të ndertimit sipas faktit për digën e HEC Moglice brenda muajit Mars 2022. Ky projekt duhet të përfshijë jo vetëm vizatimet teknike sipas faktit të shtresave apo të punimeve të betonit por edhe rezultatet e testeve laboratorike të materialeve të përdorura si dhe të gjitha dokumentat teknike të kërkuara nga legjislati në fuqi;**
  - **Riparimin dhe rivenien në punë, brenda muajit Mars 2022, të Inklinometrit MOG-IN-250 I cili që prej tetorit 2020 është jashtë punë;**
  - **Marrjen e masave për matjet dhe monitorimin e të gjitha filtrimeve në dige duke përfshirë edhe filtrimet që dalin në galerinë e Kontrollit tek pika STA 195 brenda muajit Mars 2022. Këto matje duhet të jenë pjesë e bazës së të dhënave të filtrimeve në të gjithë zonën e digës dhe të jenë pjesë e analizës së filtrimeve në digën e HEC Moglice;**
  - **Të kryejë monitorimin e presioneve të piezometrave nën pllakat e kapërderdhesit gjatë funksionimit të sistemit të shkarkimit**
  - **Të kryejë vrojtimin dhe Monitorimin e uljes diferenciale në vendin e bashkimit midis sistemit të shkarkimit dhe digës**
  - **Kryerjen e Kalibrimit të pajisjeve të Monitorimit që janë evidentuar me të dhëna të gabuara brenda muajit Mars 2022;**



REPUBLIKA E SHQIPËRISË  
KOMITETI KOMBËTAR I DIGAVE TË MËDHA

- **Kryerjen e nje Analize dhe krahasimin e vlerave te matjeve** gjate Monitorimit Gjeodezik, Monitorimit te uljeve te dhena ne Inklinometra si dhe Monitorimit te filtrimeve te matura duke bere edhe nje vleresim te thelluar te ketyre monitorimeve ne lidhje me uljet apo levizjet e konstatuara deri me sot;
- **Kryerjen e nje Analize dhe Vleresimi te hollesishem dhe te thelluar te qendrueshmerise se trupit te diges/** Stabilitetit statik dhe dinamik te diges duke u bazuar ne gjeometrine aktuale te diges si dhe te te dhenave faktike te testeve laboratorike per treguesit kryesore te materialeve mbushes te hedhur faktikisht ne objekt; Gjate ketj Vleresimi duhet te behet nje krahasim i qarte i rezultateve te llogaritjeve per qendrueshmerine e diges te bazuara ne te dhenat e vlerave te rekomanduara te paraqitura ne Tabelen 4.3 te raportit kryesor me te dhenat e marra nga testet laboratorike te vitit 2016 si dhe rezultatet e investigimeve ne terren gjate vitit 202. Ne perfundim te ketij Vleresimi duhet te jepen perfundime te qarta dhe te plota ne lidhje me qendrueshmerine e diges dhe per masat e tjera shtese perforcuese/korrigjuese te metejshme per te rritur sigurine e diges. Kjo kerkese lidhet edhe me faktin e konstatimit nga Konsulenti i Shfrytezuesit te diges se uljet e konstatuara korrespondojne me nivelin 2 te Alarmit i cili kerkon planifikimin e punimeve lehtesuese/korrigjuese ne dige.
- **Vazhdimin e monitorimit te diges dhe uljeve te saj** ne vazhdimesi sipas udhezimeve dhe rekomandimeve te dhena nga KKDM gjate kesaj periudhe. Ne rast te evidentimit te ngjarjeve jo te zakonta, Shfrytezuesi I diges duhet te njoftoje menjehere KKDM dhe institucionet perkatese per ngjarjet e ndodhura dhe zgjidhjen e problemeve qe mund te hasen;
- **Hartimin e nje Raporti Teknik te shoqeruar me analizat dhe Vleresimet e kerkuar me siper,** me te dhenat e monitorimit deri ne Mars 2022, konkluzionet perkatese te grupit te eksperteve ne lidhje me qendrueshmerine dhe sigurine e diges ne te ardhmen, masat qe parashikon shfrytezuesi i diges ne te ardhmen ne lidhje me monitorimin, mirembajtjen dhe sigurine e diges se HEC Moglice. Raporti duhet te dorezohet prane KKDM brenda muajit Korrik 2022.

Ngarkohet Sekretariati Kombëtar i Digave të mëdha (SKDM) si zyrë ekzekutive e KKDM për ndjekjen dhe zbatimin e masave të kerkuara në kete Vendim sipas legjislacionin në fuqi.

Ky Vendim hyn në fuqi menjëherë

KOMITETI KOMBËTAR I DIGAVE TË MËDHA

KRYETARI

Arjan JOVANI

